

防

河

奏

議

防河奏議日次

卷九

恭謝調任江南河道總督

恭謝嵇璜

欽點翰林院庶吉士

恭謝免叅疎防並免分賠修復各堤錢糧

恭謝秋汎議叙加級

恭謝

欽賜書經傳說彙纂

恭謝照舊供職

恭謝高堰山盱石工告成

恭謝

欽賜上諭

恭謝

特加宮保銜

恭謝

特授大學士

恭謝嵇璜授職翰林院編修

恭謝

欽賜大清會典

恭謝

欽賜孝經小學

恭謝秋汎議叙加級

恭謝

特賜誥封一品

防河奏議卷九

李逢時奏請南河總督印信仍著田文鏡掌管凡一切

恭謝調任南河總督

奏爲恭謝

天恩事雍正八年五月十五日准吏部咨開本年

五月初二日奉

上諭嵇曾筠著以吏部尚書管理南河總督印務  
北河總督事務著范時繹前往協同田文鏡辦  
理其河道總督印信仍著田文鏡掌管凡一切

防汎稽查及督率河員之處俱係范時繹  
其調度工程舉劾屬員等緊要事件悉聽由  
鏡定奪嵇曾筠久任北河諸事甚爲熟練今調  
任南河相隔不遠若有預爲應行詢問商酌之  
處著范時繹寄信諮商欽此爲此合咨前去欽  
遵查照施行等因到臣欽此欽遵隨恭設香  
案望

關九叩恭謝

天恩訖竊臣猥以菲材毫無知識荷蒙

皇上天恩特命署理南河總督印務蚊力負山時

深惴惴今荷

溫綸再沛著臣以吏部尚書管理南河總督印務

聞

命自天益滋惶悚伏念南河地方襟帶黃淮控扼

江海工長汎險地窄民稠諸凡思患預防先

事綢繆之處蒙我

皇上軫念民生大發帑金廣爲修築臣仰蒙

高厚刻思勉竭駑駘力圖報効而才識疎庸艱於

肆應竊恐機宜未諳獲咎匪輕惟有仰

聖恩多方指示開導愚蒙仰臣凜遵

睿慮之精詳得以戒慎於幾先敬佩

聖謨之弘遠更可圖維於善後庶幾疏築允宜修  
防妥協保黃運之安澗奠金堤於鞏固以仰

報

皇上洪慈於萬一耳臣謹繕疏恭謝

天恩伏祈

皇上睿鑒施行雍正八年五月十六日



奏奉

旨該部知道欽此

恭謝臣子稽璜

欽點庶常

奏爲

聖主加恩愈重微臣感激難名謹陳謝悃仰祈  
睿鑒事雍正八年五月十五日接閣邸抄臣子稽

璜  
荷蒙

皇上天恩

欽點翰林院庶吉士臣隨恭設香案望

闕叩頭恭謝

天恩訖竊臣一介單寒至愚極陋欣逢

聖主逾分邀榮游列卿班畀以河防重寄寸長未  
効蚊負滋慚乃荷

天恩高厚弘開錫類之

深仁又沛生成之

大德捫心感泣嗚咽難言伏念臣

父嵇永仁殉節

閩疆我

皇上恩子旌揚附列忠勲祠內俾得春秋陪祀又

蒙

恩贈尙書職銜光垂泉壤

御書忠節流芳匾額榮及家祠

隆恩

異數希世難逢今臣子稽璜 樛材淺植初學未嫻

上年應試北闕

欽賜舉人一體會試

恩賜二甲進士隨班引

見又蒙

欽點翰林院庶吉士讀書中秘祖孫父子三代邀

榮

聖恩稠疊既表揚其忠節復錄用其子孫聞者尙  
知興起受者如何感戴不特臣之一身宜矢  
報於畢生卽臣之子孫氏族亦當共切其忠  
誠不特臣子一人宜奮勵以學習卽臣之捐  
糜頂踵亦何能稍効於涓埃所有微臣感激  
愚忱敬謹繕疏恭謝

天恩伏祈

皇上睿鑒施行雍正八年五月十六日

奏奉

旨該部知道欽此

恭謝免叅疎防並免分賠修復各堤錢糧

題爲恭謝

天恩事竊臣於雍正八年九月初十日接准工部咨爲恭報河湖水勢消落漫工堵築完竣等事一疏奉

旨據河道總督稽曾筠等奏稱黃運兩河水勢消落其湍急諸處竭力修築於八月初八初十三等日俱已合龍告竣所有上下中河間段殘缺堤工現在修補回空漕船毫無遲悞其高堰

大堤因今年奉旨發帑幫築是以湖水雖大足資捍禦幸保無虞兩岸居民依然安堵父老翁稱今秋水勢甚大而旋即沙淤掛口從未有如此神速等語朕前聞湖河水勢漲溢附近地方罹於水患宵旰憂慮不釋於懷發帑遣官星馳賑恤兼命河臣等竭力堵築務期早慶安瀾今水勢消落迅速計日施工卽能底績此皆

神明默鑒朕朶俯垂護佑故化險爲平奏功若此之速也朕心深爲感激著照上年之例敬謹致



祭南河北河之

神以申報享之典祭祀應行禮儀著該部查明具  
奏所有疎防大小各員著免其查叅其修復各  
堤錢糧亦免分賠該部知道欽此抄出前來相  
應移咨禮部并江南總河河東總河俱各遵  
照

旨內事理欽遵施行仍知照吏部可也爲此合咨  
前去欽遵施行等因移咨到臣欽此欽遵臣  
跪聆之下當卽率領在工文武員弁恭設香

案望

闕叩頭恭謝

天恩訖當經轉行各該道欽遵去後茲據道府廳  
營印汛各員籲請代

題恭謝

聖恩情由會詳到臣該臣等看得今秋山水驟發  
恭荷

皇上法宮咨徹宵旰勤求蠲賑洪施沛

九重之雨露修防

明訓貽萬姓以生全是以

愷澤旁敷

精誠上達兩儀同撰躋

聖敬而一氣感孚四瀆朝宗展

睿謨而百川奠定

神祇默佑造化潛移因之各工掛口沙淤旋堵

旋竣是皆荷

皇上之天功實非人力所能爲也臣等大小河員

不能未雨綢繆煩勞

聖慮處分嚴譴分所宜然伏荷

特恩宥過

曠典矜全至於各堤修復鉅萬錢糧更沐

鴻慈咸予豁免欽惟我

皇上

德洽生成

功參位育

恭寬信敏惠裕全備之深仁

水火木土金協修和之景運迺沐

恩施下逮亘古特隆體恤羣工有加靡已臣等戴  
德同天感

恩無地自今以往臣下之身家旣沐

皇上保全之賜而頂踵僉切捐糜應賠之帑藏復

蒙

皇上賞賚之仁而修守尤宜節慎詠歌浩蕩仰

至德之難名

指示遵循賴

聖功之無間惟有彌增寅畏倍凜冰淵協力修防

務期鞏固扞誠奮勉永慶安瀾仰報

洪恩於萬一今據各該道轉據各員感激情由

請代

題前來 臣謹會同蘇州巡撫協理河工事務臣

尹繼善合詞具

題恭謝

天恩伏乞

皇上睿鑒施行雍正八年九月二十二日

題奉

青該部知道欽此

恭謝秋汛議敘

奏爲恭謝

天恩事雍正八年十一月二十四日准吏部咨爲  
恭報秋汛等事內開文選清吏司案呈吏科  
抄出本部題前事內開議得兼理河東河道  
總督田文鏡疏稱豫東二省秋汛水勢已過  
各工平穩情形理合題報等因具題奉

旨田文鏡稽會筠尹繼善著交部議敘南北兩河  
官員在工防護有功者著該總河一一查明送



部分別議敘欽此欽遵查今年南北兩河水

浩大兩河總督等督率河員搶護修築各工  
平穩得慶安瀾應將總督田文鏡嵇曾筠巡  
撫尹繼善照例各准其加一級其南北兩河  
在工防護有功官員俟該總河查明報部到  
日分別議敘可也等因於雍正八年十一月  
初三日奉

旨田文鏡嵇曾筠尹繼善俱著加一級餘依議欽  
此爲此合咨前去欽遵查照施行等因移咨

到臣隨恭設香案望

闕叩頭恭謝

天恩訖竊

臣

一介庸愚仰荷

皇上高厚隆恩畀以南河重任今年水勢浩大竭

蹶辦理深虞蚊負迺以捨護修築早慶安瀾

特旨勅部議敘俾微

臣

獲邀晉級之榮聞

命自天感激無地伏念南工實爲湖河交錯之區

防護攸關運道民生之計蒙我

皇上法宮咨做

綸詔星馳

天心昭鑒於

聖心

聖德允符乎

天德是以百川奠定二瀆安流况河員既蒙

曠典以矜全工帑更沐

鴻慈而賞賚

隆恩下逮至渥至周廼微臣彌切悚惶忽荷

溫綸褒敘正深感激又叨晉級榮加刻骨銘心庶

頌宣勞

天語淪肌浹髓涵濡浩蕩

恩波仰

覆載之無私實有加而靡已荷

寵榮之逾分殊內省以多慚惟有殫盡血誠彌增  
敬謹竭茲駑力益慎修防身叨

聖主千百倍之

恩施捐糜難補頂祝黃運億萬年之底定衍慶無

彊以期仰報

高厚於萬一耳除將在工防護有功官員効力  
蹟臣等查明分別造冊報部議敘外所有  
臣感激愚忱謹繕疏恭謝

天恩伏祈

皇上睿鑒施行雍正八年十二月初七日

奏奉

旨該部知道欽此

恭謝

欽賜書經傳說彙纂

題爲恭謝

天恩事雍正九年五月初六日

臣

於宿虹工次蒙

皇上恩賜書經傳說彙纂一部到臣隨跪迎道左

恭設香案望

闕叩頭謝

恩祇領訖欽惟我

皇上

德姬堯文

功敷禹甸

作君兼作師之極治統與道統交隆  
丕承昭丕顯之謨孝思合文思廣被

光華懋著

典學方殷仰惟

聖祖仁皇帝

建極綏猷

崇文敷教以尚書記載爲治法綱維垂十六字之

精微開千萬年之統緒研性道於典謨訓誥  
直接心傳溯淵源於虞夏商周益隆德化既  
編成夫解義普

示寰區復集說於諸家折中

聖鑒仰賴煌煌

鉅製俾成奕奕

鴻文我

皇上繼述功宏表揚念切當校刊之竣事并

御序於簡端



闡發心源顯著精華於萬世

昭宣道法彌彰蘊奧於千秋勒金石以珍藏香

生

玉殿布筭函而俯

錫露湛

楓宸恍聞孔壁金絲儼睹堯天雲日臣欣逢

復旦幸際

文明受

恩賜以拜履益仰平成之治捧金編而敬讀愈深

寅亮之忱自茲河洛呈祥

駿業與鴻篇並永車書獻瑞麟章共

寶曆常新臣不勝懼忭感激之至理合具疏恭謝

天恩伏乞

皇上睿鑒施行雍正九年六月十三日

題奉

旨該部知道欽此

恭謝照舊供職

奏爲恭謝

天恩事准吏部咨開遵例自陳事考功清吏司案  
呈吏科抄出江南河道總督嵇曾筠奏前事  
等因雍正十年四月十六日奏五月初七日  
奉

旨卿老成練達廉慎和平簡畀銓衡總督河道正  
資料理著照舊供職該部院知道欽此抄出到  
部爲此合咨前去欽遵施行等因移咨到臣

隨恭設香案望

闕叩頭恭謝

天恩訖竊臣樗櫟庸材荷蒙

聖眷列卿尹之崇班寄宣防之重任

生成教育

高厚難名久沐

國家豢養之恩未盡人臣犬馬之報雖早作夜  
思不敢須臾稍怠而汲深綆短常懷蚊負堪  
虞是以恭逢考察據實自陳乃蒙

皇上格外優容著臣照舊供職復荷

溫綸寵錫策勵有加俾臣自凜幽獨之微衷得仰

邀夫

聖鑒卽臣時惕冰淵之素志幸上沐乎

至知臣跪讀之下感愧交併捐糜頂踵難酬

知遇洪恩惟有恪矢丹誠愈加奮勉一事不苟一

刻不懈殫竭臣心臣力以期仰報

高深於萬一耳謹恭疏

奏謝伏乞

明倫彙編 家範典 卷之九  
皇上睿鑒施行雍正十年五月二十九日

奏奉

旨該部知道欽此

恭謝高堰山盱石工告成

題爲高堰石工告成萬民感戴情殷懇請代

題恭謝

天恩事據署淮揚道夏建德詳據淮安府知府于  
本宏揚州府知府尹會一據山陽江都等縣  
詳稱據士民安瀾成永慶祝純嘏樂萬年等  
呈稱欽惟我

皇上

德合清寧

功隆位育

湛恩洋溢同源木之盈科

渥澤滂流若江河之行地慶會同於禹甸頻年  
海晏興歌奏底績於堯封比歲河清獻瑞旣  
世登乎衽席猶

念切乎痼瘼本宵衣旰食之勤布激濁揚清之  
治茲以河淮二瀆漕運攸關堤岸千尋民生  
重繫欲導河以入海必束清以刷黃惟淮泗  
合注乎洪流而保障全憑於高堰雖歲加增



築豈患鯨波第久禦全湖保無蟻穴爾乃

治益求治恒儼溺之如傷

安愈思安時綢繆於未雨務培夫北墩南澗俾  
一綫固於金湯庶垂之萬禩千秋使億姓安  
如磐石川

頒異命沛百萬之帑金

特簡重臣策庶僚以襄事萬夫雷動尅日功成千  
版雲興指期報竣崇崗屹峙何憂乎巨浪長  
風玉鑑澄空止覺其恬波靜影七省之糧艘

利涉三河之澤國生春是惟

聖天子深軫民依知人善任遂得諸大憲仰承  
睿筭竭力抒公建萬年鞏固之弘圖創萬派朝宗  
之大烈此清黃之分流合汴總無強弱之殊  
而淮揚之下隰高原永受平成之福在兩郡  
黃童白叟被恩蒙澤固無不望

日以懽呼卽四海赤子蒼黎食德飲和亦無不瞻  
天而慶頌安瀾等躬逢

盛世感

雨露之頻加居近河濱識

恩膏之普洽愧涓埃之莫報羣熙解於沐口浴月  
之中抱惘忱以求伸爭鼓舞於華祝衢歌之  
世爲此連名具呈伏祈俯賜轉詳代達輿情  
激切上呈等情由縣詳府由府詳道轉詳到  
臣據此欽惟我

皇上

道隆參贊

績著平成

昭瑞應於堯封河清海晏

慶安流於禹甸嶽峙淵渟萬方共沐

恩波倍切民依之念億兆咸霑

沛澤猶深已滿之懷顧惟高堰中界淮揚實兩邦  
之保障近連淮泗乃二瀆之巨津蓄清以敵  
黃各省之糧儲利賴淮河而注海衆流之脉  
絡攸通運道所關民生重繫仰蒙

皇上

宸衷獨斷

恩命特頒

發百萬鎰之帑金建億萬年之砥柱

簡大員而監築欽承

聖訓之周詳集僚案以鳩工各殫職司而策勵庀  
材既足力作齊興帆檣載木石以如飛畚鍤  
歷春秋而弗輟一從經始風浪無驚迨至成  
功平安有慶仰惟

聖主至誠感格因之默契

天心

大德丕昭是以顯彰

神應增其舊制百廢重修幸此大工兩年告竣  
洽清黃而交濟永利輓輸障淮海以安瀾咸  
資耕鑿民心悅豫年年可慶西成清口暢流  
處處悉從東注總由

廟謨廣運俾分流合注以朝宗更兼

國帑豐頒奠玉堰金堤之鞏固臣等查閱工次

備悉輿情多士拜稽懽聲雷動羣黎額手喜  
氣雲興巷舞僑歌沐率土咸周之

聖澤嵩呼華祝頌與

天同壽之

皇仁茲據署淮揚道印務夏建德詳據淮揚兩屬  
士民安瀾等感戴情切籲請代

題恭謝

天恩前來

臣不敢壅於

上聞相應會疏恭謝

天恩伏乞

皇上睿鑒施行雍正十年六月十八日

御河...  
卷九  
題奉

旨該部知道欽此



恭謝

欽賜

上諭

題爲恭謝

欽頒

上諭事雍正十年七月二十二日內閣

頒發

上諭一部到臣隨恭設香案望

闕叩頭謝

尚書奏議

卷九

三

恩祇領訖欽惟我

皇上

勲著堯文

功宏禹烈

爲經爲緯煥兩大之文章

如綉如綸布萬方之典令

申誥誠於幾康之內至教昭宣

示箴規於乾惕之中弘謨丕著凡

德音之渙發悉

仁政之覃敷固已

澤遍羣生靡一夫之不獲

治臻上理致萬彙之咸亨乃猶

體物不遺益切勤求之念

誨人不倦彌深廣濟之懷恭逢

皇上御極以來備蒙

訓諭提撕莫不淪肌而浹髓茲當

御集告成之日凡屬臣工拜

賜尤當惕目以警心綱舉目張悉是敦本明倫之

要道條分縷晰無非牖民覺世之宏規立義  
禮之大綱匡直乎人心風俗敷漸摩之雅化  
觀感於吏治民生用熙庶績於虞廷咸興樂  
利復敘九功於禹服永慶平成是皆

睿畫之周詳益仰

聖謨之弘遠良由我

皇上敬

天法

祖一本於至孝至誠是以

大聖人訓俗型方悉出於惟公惟正羣工敬佩億  
兆咸遵臣九叩欽承益凜

天顏於咫尺三薰敬讀載賡

皇極之會歸鉅細畢該有倫有要化裁咸善無黨  
無偏洵足與商盤周誥而婉隆並垂久遠誠  
可廣堯典禹謨之未備尤極精詳自七年傳  
至億年朝野共昭夫法守由一集彙成萬集  
臣民永奉爲章程瞻

睿製而被

榮光如日月之經天無微不照滙

文淵而成

愷澤如江河之行地無往不周從此隨在宣揚  
遂條講誦不特通都大邑之蒼黎赤子皆望  
日以懽呼抑且山陬海澨之白叟黃童亦同  
風而嚮道

嘉謨廣播千百國咸沐

皇仁

寶訓昭垂億萬世永沾

聖化矣所有

臣領到

欽頌

上諭理合恭疏

題謝伏乞

皇上睿鑒施行雍正十年九月十五日

題奉

旨該部知道欽此

恭謝

特加官保銜

奏爲恭謝

天恩事雍正十年十二月十三日准吏部咨開本年十一月二十六日內閣奉

上諭吏部尙書管理河道總督事務嵇曾筠撥憤居心恪勤襄事數年以來勞績懋著甚屬可嘉著加太子太保銜以示恩眷欽此爲此合咨前去欽遵查照施行等因移咨到臣欽此臣隨



恭設香案望

闕叩頭恭謝

天恩訖竊臣一介庸愚遭逢

聖主特達之知教育生成有逾常格臣於雍正元年奉差中牟縣河工卽承

恩命擢授副總河繼邀

眷畀總督北河調任南河洊陟崇班歷膺重任十載以來

隆恩異數疊沛頻頒已屬至優極渥方愧涓埃無

補蚊負堪虞乃荷

恩綸加秩特昇宮銜聞

命之下臣受

寵而驚惶莫措感深而跼踖靡寧伏念臣叨任河

防一切運道民生仰賴我

皇上如天之仁先幾之智多方

指示誥誠精詳俾臣得以敬謹遵循竭蹶辦理雖

歷經就緒實乏寸長自効伏蒙

皇上旣錫臣以厚秩崇階而又灼見臣之居心襄

事是微臣隱微之地

天鑒常昭奔走之勞

皇恩必錄雖自古君臣知遇未得有如此

高深如此肫切臣何人斯仰荷

殊榮至於此極惟有捫心感愧矢竭愚誠修防鞏

固永冀安瀾以期仰報

洪慈於萬一理合恭疏

奏謝伏乞

皇上睿覽施行雍正十年十二月十六日

奏奉

旨覽卿奏謝知道了該部知道欽此

恭謝

特授大學士

奏爲恭謝

天恩仰祈

睿鑒事雍正十一年四月二十日准吏部咨開本年四月初四日內閣奉

上諭吏部尙書嵇曾筠忠孝傳家才猷卓越自簡任河道總督以來公正廉明正已率屬實心實政懋著功勳久欲用爲大學士因河務正需經

理遂爾遲遲今著授爲大學士仍管理江南河道總督事務吏部尙書員缺著刑部尙書劉於義補授仍署理陝西總督事務刑部尙書員缺著左都御史涂天相補授左都御史員缺著刑部侍郎張照補授刑部侍郎員缺著副都御史馮景夏補授禮部侍郎員缺著內閣學士鄧鍾岳補授兵部侍郎員缺著光祿寺少卿高起補授倉場總督員缺著奉天府尹楊超會補授奉天府尹員缺著順天府尹焦祈年調補順天府

尹印務仍著張照兼管楊超會俟焦祈年到奉  
天後再行回京赴倉場總督之任楊超會未到  
任之前倉場總督印務仍著涂天相管理其刑  
部尙書事務著張照暫行署理欽此爲此合咨  
前去欽遵查照施行等因移咨到臣隨恭設  
香案望

闕叩頭恭謝

天恩訖竊臣

一介庸材忝逢

盛世荷蒙

皇上簡畀宣防重任凜承

睿訓精詳所以兩河循軌彰

至治之休徵百谷安瀾協

熙朝之上瑞臣忝司水土未効涓埃清夜捫心方

深惶悚廼蒙我

皇上優頒懋賞疊沛

溫綸

特加宮保之銜已屬非常

榮遇再



錫鈞衡之職尤爲至渥

隆恩自顧何人膺茲

異數聞

命自天措躬無地伏念臣生長單寒少無依倚臣

父以忠義而膺

曠典臣母以節操而荷

旌褒仰承一忠一節之遺緒敬沐至高至厚之

皇仁殫力宣勞惟恐有違親訓夙興夜寐祇慚未

報

國恩我

皇上念

臣

家世忠孝流傳憐

臣

趨走駑駘竭蹶

眷存彌切

獎勵頻承

超擢之榮雖夢寐未敢希冀

知遇之盛卽州糜洳屬難酬此

臣

所以撫膺感泣

跼蹐靡寧者也惟是

臣

奉差河務十載有餘

喉隔

天顏時深孺慕茲蒙

恩命

簡侍綸扉將來入覲

闕廷欽承

聖訓叨沐

太和之洋溢得申依戀之悃誠又不禁慶忭蟻聚  
歡忻舞蹈臣惟有益加敬謹倍矢盡勤宣力  
皇輿長祝河山之奠定敷揚

聖化載膺日月之升恒以祈仰報

皇上洪恩於萬一耳所有臣感激微忱理合敬謹

繕疏恭謝

天恩伏乞

皇上睿鑒施行雍正十一年四月二十二日

奏奉

旨覽卿奏謝知道了該部知道欽此

恭謝臣子稽璜授職編修

奏爲恭謝

天恩仰祈

睿鑒事雍正十一年五月十二日接閱邸抄臣子

稽璜荷蒙

聖恩授翰林院編修欽此臣隨恭設香案望

闕叩頭恭謝

天恩訖竊臣子稽璜樗材淺植初學未嫻荷蒙

特旨賞拔舉人中庚戌科進士學習

國書茲又邀

恩授職編修

臣

感忭交深莫能名狀伏念臣父稭

永仁以生員殉難荷蒙

聖祖仁皇帝贈銜賜卹表著幽光又蒙我

皇上親灑

宸章旌揚忠節入祠從祀

恩禮優加

臣

職司河務敬承

聖主逾格之

鴻慈屢膺亘古難逢之

曠典今臣子稽顙又叨

恩命

簡畀編修祖孫父子三代邀榮

聖恩稠疊旣表章其先世復擢用其後人臣即生

生世世捐糜頂踵實難少報涓埃子子孫孫

銘鏤銜結亦未得仰酬毫末臣惟有殫竭血

誠奔走河干圖維鞏固并勉臣子勤勵讀書

小心學習以祈仰報

聖主高厚生成於萬一耳臣謹恭疏

奏謝伏乞

皇上睿鑒施行雍正十一年五月二十五日

奏奉

旨該部知道欽此



恭謝

欽賜

大清會典

題爲恭謝

天恩事雍正十一年八月初六日臣跪接

皇上頒賜

大清會典一部當卽恭設香案望

闕叩頭謝

恩祇領訖欽惟我

皇上

德合清寧

化隆位育

統百王而立極祖述憲章

執一中以宜民仁規義矩

法制定人倫之紀咸遵有物有恒

教養會王政之全永爲世法世則伏讀

大清會典仰見

世祖章皇帝開天出治膺世覺民訐謨垂萬禩之不

基制度定一朝之大統

聖祖仁皇帝文明累洽聲教覃敷六十年文德武功  
光北經天日月千百國禮陶樂淑默成覺世  
範圍我

皇上治協中和功高作述道隨時泰尤崇

列聖之章程化與俗宜專重

熙朝之法守爰本

敬承之至意

特宣頒賜之

恩綸兵農禮樂燦若星辰服物采章昭如雲漢  
諸仁而藏諸用無一物不歸裁制之中遠不  
禦而近不遺舉斯世悉臻化神之域仰觀俯  
察綜成致治之鴻編際地蟠天莫罄無名之  
廣運皆由

皇上聰明睿知實本法

祖以勤民所以齊治均平上駕虞書與堯典一時臣

工拜

賜八埏道路同遵

臣

館閣趨承曾窺緇帙湖河奔

走屢拜瓊函茲荷

隆恩

寵頒會典焚香捧誦聿瞻

聖治之精詳盟手開函敬仰

維皇之極則是知太平有象聿昭禮度文章更卜

悠久無疆永奉典章謨制臣惟有望羹牆而

加勵對官禮而心虔珍同綠字願山陬海滢

聲教同風欽若赤文祝金簡玉書詠歌長治

臣謹繕疏恭謝

天恩伏乞

皇上睿鑒施行雍正十一年九月二十日

題奉

旨該部知道欽此

恭謝

欽賜孝經小學

題爲恭謝

天恩事雍正十一年八月初六日

臣跪接

皇上頒賜

欽定孝經一部

欽定小學一部當卽恭設香案望

闕叩頭謝

恩祇領訖欽惟我

皇上

孝隆至德

學集大成

闡經義於倫常光昭日月

勤編摩於養正功振鐘鏞蓋

聖孝出乎性成志隆繼述而

聖學由於天縱道協纘承教忠教孝以範民彝是  
訓是行以弘雅化仰惟

聖祖仁皇帝



崇儒重道

稽古右文

蒐輯孝經推廣人倫之本

賡疏小學弘敷大化之原我

皇上

篤念永言

精思無逸聿昭

祖訓特開館閣以纂修刊示臣工徧布閭閻而誦法

冠以輝煌之

御製比隆帝典王謨光茲璀璨之瓊編媿美聖經  
賢傳深微廣大經剖晰而人知法行法言本  
末精粗仰

宣示而咸能有德有造萬方感被四海儀型臣學  
愧迂疎孝慚奉養當年保直深荷

聖明教誨之恩此日宣防疊拜

天府圖書之賜茲復仰蒙

寵注

頒賜經書敬啟琅函如承

寶訓自茲遂條體認用資事

君以事親敬謹宣揚兼藉教民以教士惟願率土  
昭明倫之要道六合同風普天奉覺世之訐  
謨萬年恪守臣不勝感激凜遵之至謹繕疏  
恭謝

天恩伏祈

皇上睿鑒施行雍正十一年九月二十日

題奉

旨該部知道欽此

恭謝秋汛議敘加級

奏爲恭謝

天恩事雍正十一年十一月二十七日准吏部咨  
爲恭報秋汛等事內開議得工部咨稱大學  
士仍管理江南河道總督事務稽會筠恭報  
今年秋汛水勢已過各工保固平穩情形一  
疏奉

旨河道總督及在事各員著交部分別議敘具奏  
欽此欽遵查雍正九年十月內江南河道總

督嵇曾筠恭報秋汛平穩經臣部遵

旨議敘准其加一級在案今南河大臣官員殫忠  
職守各工平穩得慶安瀾欽奉

諭旨議敘應將江南河道總督嵇曾筠照例准其  
加一級其在事官員俟該總河查明報部到  
日再行議敘雍正十一年十一月初九日奉  
旨嵇曾筠著加一級餘依議欽此爲此合咨前去  
欽遵查照施行等因移咨到臣隨恭設香案

望

闕叩頭恭謝

天恩訖竊臣備員河務荷蒙

皇上隆恩異數疊沛頻頒白分率屬修防毫無報  
効茲以本年秋汛保固平穩廼荷

隆恩特賞仰邀晉級殊榮感激難名悚惶彌切伏  
念江南河工地處下游襟帶黃淮上賴

聖謨廣運凜遵

睿訓周詳各工得以保護且河水長發之時又於  
睢寧地方仰蒙

天賜引河地呈上瑞全河暢達化險爲平

嘉應休徵皆由我

皇上大德精誠感孚默契所以兩儀同撰昭  
聖敬而一氣旁流四瀆會歸拱

皇輿而百川奠定

凝庥錫福河定民安臣以庸愚重蒙

嘉勉感荷宣勞之

榮眷

天語諄諄涵濡浩蕩之

皇恩臣心惴惴自傾十年以內業叨

聖主稠疊

恩施茲於一歲之中復荷

溫綸再三

錫命受

恩愈重圖報愈難惟有益矢捐糜愈圖鞏固長頌  
安瀾之慶永臻底定之休以期仰報

高厚洪慈於萬一耳除將在事各員効力實蹟容

臣查明分別造冊報部議敘外所有微臣感



激愚忱謹繕疏恭謝

天恩伏祈

皇上睿鑒施行雍正十一年十二月初一日

奏奉

旨該部知道欽此

恭謝一品

誥封

奏爲恭謝

天恩事竊臣於宿遷工次接閱邸抄欽奉

上諭大學士嵇曾筠敬慎居心忠勤襄事自簡任河道總督以來整理有方調度合宜卽如今年直隸豫省河工均有潰決而江南地處下游不但各工平穩且有自開引河之瑞此實嵇曾筠殫力宣勞之所感召且江南河務今年工程較

多所用物料加倍而所費錢糧轉較從前減省  
茲又奏請將葦蕩營每年出產柴束立定章程  
僱運交工濟用具見實心實力鉅細不遺深屬  
可嘉朕念伊父之忠義伊母之節操雖已贈卹  
旌褒尙未膺一品封典今特沛殊恩著給與大  
學士應得誥封以示優眷欽此臣跪讀之下當  
卽恭設香案望

闕叩頭恭謝

天恩訖欽惟我

皇上

堯仁溥被

禹績丕昭

康阜咸登尙勤求夫民隱

平成永慶每加惠於臣工臣猥以庸材忝膺重

任仰賴

神謨廣運隨時得奏安瀾更由

聖敬昭乎邇歲頻臻瑞應惟

皇上宸衷乾惕因之屢召

休徵而微臣殫力宣勞祇有靖共職守敬沐  
優頒懋賞疊賚

溫綸受此

隆恩已爲逾分迺更荷

皇上推恩之大典錫類之

弘仁憫念臣父殉忠臣母守節

特加一品封誥用彰三代榮施發潛德之幽光  
錫龍章而益著表貞操之苦志賚

鳳詔而增輝

聖訓煌煌勵世以褒忠教孝

王言藹藹聞風而懦立頑廉况臣身受

洪慈刻骨鏤膺感激難名萬一親邀

曠典涕零心惕悚惶何啻再三

表揚之典至優犬馬之報何在卽時時奮勉致身

竭力莫副如天如地之

皇仁縱世世子孫銜環結草難酬無盡無涯之

聖澤惟有盡誠永矢慶河山奠定於千秋感頌加

虔祝日月升恒之

萬壽庶以仰報

皇上鴻恩於萬一耳所有微臣感激愚忱謹繕疏

恭謝

天恩伏祈

皇上睿鑒施行雍正十一年十二月初二日

奏奉

旨該部知道欽此